



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Cornelii Jansenii Ipreensis Episcopi Augustinus Europaeus  
Perperam Dictus**

**Wavre, Philippus van**

**Antverpiae, 1709**

Sect. II. Quod Semi-Pelagiani [et]c. confirmat S. Prosper.

**urn:nbn:de:hbz:466:1-39351**

## SECTIO II.

*Quod Semi-Pelagiani docuerint, Chri-  
stum pro omnibus, qui per solum liberum  
arbitrium credere & sanari voluerint,  
esse indifferenter mortuum, confirmatur  
ex S. Prospero.*

**S**anctus Prosper in Carmine de ingratis fre-  
quenter Semi-Pelagianos Pelagianis compo-  
nit quoad credendi, querendi Medicum natura-  
lem facultatem. Evidentissimum verò est, Pela-  
gianos ad fidem, & orationem nullam gratiam  
voluntati necessariam asseruisse. Idem ergò de  
Semi-Pelagianis arbitrandam. Itaque

S. Prosper de ingratis cap. 4. docet, eos Pela-  
gianum errorem refuscitasse, dum ita canit.

*Quo quidam instantur nunc turpiter, atque perempti  
Dogmatis existentias tentant animare favillas,  
Dum libertatem arbitrij, affectumque volendi  
In naturalis motus virtute locantes,  
Tam bona quemque docent sectari posse suopte  
Ingenio, quam posse subest cuique in mala ferri.  
Et cap. 6. refert sententiam eorum.*

*Sic sit propositum, ut nullus non possit ad illud  
Libertate sua proprioque vigore venire:  
Sitque salus dignis Salvari ex fonte volendi.  
Et cap. 10.*

*Sed proprio quemque arbitrio parere vocanti,  
Iudicioque suo mota se extendere mente,  
Ad lucem oblatam, quae se non subtrahit ulli;  
Sed cupidos recti juvet, illustretque volentes.  
Hinc adjutoris Domini bonitate magistrum  
Crescere virtutum studia, ut quod quisque petendum  
Mandatis didicit, iugi sectetur amore.*

## 452 LIBER SEXTUS

Refutat illos cap. 20.

Divinorum operum quod ponitis in redimendis  
Principium? Mandata Dei facere ante lavacrum,  
Nosse & amare Deum, promissis credere Christi,  
Quærere, pulsare & petere proprium omnibus esse  
Afferitis, qui se studeant aptare vocanti.

Anne ab aquis divina manus revocare receptos  
Incipit? & vita causa est sua cuique voluntas:  
Ut merces operum sit gratia, judiciumque  
De pretio, quo, quod donum perhibetur, ematur?

Ut pulsante aures Sermone illecta voluntas  
Judicio præcurrat opem, nec gratia jam sis  
Gratia: quæ legis fungens vice iure monentis,  
Solum agat: atque agro cum plantatore ministret,  
Terraque seminibus det, non Deus, incrementum.  
Et de Generali Redemptione cap. 13.

Nam si nemo usquam est, quem non velit esse Re-  
demptum:

Haud dubiè implètur quidquid vult summa potestas.  
Non omnes autem salvantur, magna pars est  
Quæ sedet in tenebris mortis, nec vivificatur.

Deinde quid ipsi respondeant, præoccupat.

An varius motus animorum talia gignunt?  
Libertasque facit causam non omnibus unam?

Respondet:

Ergo hominis valida est arbitrio divina voluntas,  
Aut etiam invalida est, operis cui finis in illo est.  
Quem frustra juvisse velit, nisi præferat ille  
Affectionem, cuius comitetur gratia cursum.

Cap. 45. Catholicam fidem opponit:

Vita, salus, virtus, sapientia: gratia Christi est,  
Quæ currit, gaudet, tolerat, caret, eligit, instat,  
Credit, sperat, amat, mundatur, justificatur.

Cap. 38. Objicit errorem Pelagianum, quem  
tenent.

Quid prodest verbis Commentum Pelagianum

Ref.

## DE PROPOSITIONE V. 453

Respuere, & sola damnatos plectere voce ?  
Cum paucis Squalidæ sublatis de cuto nervis ,  
Intima viperii foveantur Viscera sensus ?

### Cap. 34.

I procul insana impietas , artesque malignas  
Aufer, & Aucthorem comitare exclusa Britannum:  
Nos humiles tenuesque sumus , Grex parvus , &  
altis

Inniti metuens : quia sufficientia nostra  
Ex Christo est , Si quid recti sapimus volumus que ;  
Illi debemus , qui vincula nostra resolvit ,  
Proque malis bona restituit , non inveniendo  
Quod merito legeret , sed donans quo legeretur ,  
Ut de perceptis prodiret causa merendi :  
Deque datis in danda gradus , industria crescens  
Scanderet , atque bonum fieret Deus omnibus unum.

Præmisit ergò meritò contrà Ingratos :

Vos igitur soli queruli , solique superbi :  
Vos soli ingrati , quos urit gratia : cuius  
Omne opus arbitrio vultis subsistere vestro :  
Et quod non cuncti mortales atria vitæ  
Ingrediuntur , ita ex ipsis pendere putatis ,  
Ut tam ex judicio constet cuiusque quod intrat ,  
Quam quod non intrat.

Cap. II. Quærerit sibi probari gratiam Christi  
omnibus volentibus offerri.

... Dic undè probes , quod gratia Christi  
Nullum omnino hominem de cunctis qui generantur  
Prætereat , cui non regnum vitamque beatam  
Impartire velit ?

Cap. 12. Responsum Semi-Pelegianorum refun-  
dentium in voluntatem , quod non omnes Salven-  
tur , refert :

Namquæ utrumque simul sapitis , qui dicitis , omnes  
Omnibus oblatum posuisse apprendere munus :  
Naturæ quoniam non sit detracta facultas :  
Nec si nè justitia percant , qui mentis honorem

## 454 LIBER SEXTUS

*Sordibus obruerit vitiorum : ut lumen ab alto  
Emissum , indigna nollent requiescere sede :  
Sic, quod nascendo est unum , distare , volendo :  
Ut meritum ad paucos , natura spectet ad omnes.  
Cap. 6. Inducit Pelagianos dexteram jungere  
volentes, eò quod, quoad naturales vires volendi  
salutem , non dissonent à Semi-Pelagianis.*

*Dum nostri decus arbitrij lumenque creatum  
Principio , quod sponte potest insistere rectis ,  
Manserit illæsum : nec viribus absit ab illis,  
Quas condente Deo generaliter omnis in Adam  
Suscepit natura hominis, nec suppetat ulli  
De non accepta arbitrij virtute querela :  
Cùm sine delectu seu lex seu gratia Christi  
Omnem hominem salvare velit: donumque vocantis  
Sic sit propositum, ut nullus non possit ad illud  
Libertate suâ proprioque vigore venire :  
Sitque salus dignis salvari ex fonte volendi.  
Hæc si vestra fides , vestra est doctrina, remotis  
Quæ vestro exemplo rejectis, addite sanctis  
Nos Gregib[us], Tandemque bonis defendite vestros.*

Ecce qualē Salvatorem omnium prædicaverint Semi-Peligiani. Qui omnes, nemine exceptō, redemit ; sed naturali vigore pretium agnoscere volentes. Qui omnes justificare venit, sed libertate sua ad Lavacrum currentes. Qui sanare venit ægrotos universos , sed Medicum ita implorantes. Qui salvare venit omnes, sed ex fonte volendi salvari dignes: Gratiam donare sed quæ cupidos recti juvet , illustrerque volentes. Ut ad manus nullus non possit ad illud libertate sua , proprioque vigore venire.

Nil habet hoc dogma commune cū Catholiciis , sed Pelagianis liberi arbitrii inflatoribus ac decomptoribus , & Gratiae ingratissimis inimicis.

Quotquot enim Christum pro omnibus mortuum credunt, vel sunt Moliniani , qui ex morte Christi

## DE PROPOSITIONE V. 455

Christi sufficientem, & necessariam ex ea ad fidem  
& omnem bonam voluntatem gratiam gratis da-  
tam eliciunt : vel alii , qui pro omnibus sic mor-  
tuum afferunt , ut quibusdam efficaciter mortem  
prodesse voluerit ; quibusdam verò media salutis  
instituerit , vel immortalitatis pocula de latere  
suo proflua, quæ si ab omnibus libarentur, omni-  
bus mederentur. Quod autem non bibantur, non  
humani esse arbitrij , sed divini Judicij , juxta  
illud Prosperi cap. 35. de Ingratis :

*Cur verò humani generis de germine toto  
Pars quædam in Christo rursùm generanda legatur,  
Pars pereat, cum causa eadem simul implicet omnes,  
Nec discernantur merito, qui munere distant:  
Non satis audemus scrutari , nec per opertas  
Ire vias , callesque gradu pulsare remotos:  
Multæ etenim benè tecta latent, nescitaque profunt.  
Absit itaque , ut Augustinus , qui cum sequaci-  
bus suis Christum pro omnibus mortuum defen-  
dit, ad ingratissimorum hæreticorum castra tran-  
sierit , qui minores semper libero dedit arbitrio,  
partes præcipuas Deo , ut vel ideò S. Prosper  
eum tam eximio decantaverit Elogio de Ingratis  
cap. 2.*

*Nam cibus illi,  
Et vita, & requies, Deus est : omnisque voluptas  
Unus amor Christi est , unus Christus est honor illi :  
Et dum multa sibi tribuit bona, sit Deus illi  
Omnia: & in sancto regnat sapientia templo.*



SEC.